

毘陵集

開化圖書館

Kaifuwa Library

開化圖書館

Kaishwa Library

開化圖書館

Kaishua library

開化圖書館

Kaichua library

毘陵集卷第十七

朝散大夫使持節常州諸軍事守常州刺史賜紫金魚袋獨孤及

記述 一十二首

風后八陣圖記

上元二年豫章冠蓋盛集記

江州刺史廳壁記

吏部郎中廳壁記

太常少卿廳壁記

金剛經報應述 并序

瑯琊溪述 并序

盧郎中尋陽竹亭記

馬退山茅亭記

撫州南城縣新亭記

鄭駙馬孝行記

慧山寺新泉記

風后八陣圖記

物不終靜必受之以動當純坤用事陰疑於陽則飛龍

戰大朴已

英華作以

散聖竝起故戎馬生乃有并

英華作力

吞

八荒爭截九有大者天柱折地維絕小者作厯廬山負  
阻中冀上帝憑怒下土是恤乃眷武德黃帝受之始順

煞氣以作兵法文昌以命將於是乎征不服討不庭其

誰佐命曰元老風后蓋戎行之不修則師律用爽陰謀

之不作則凶氣何恃故天命聖者以光英華作廣戰術俾懸

衡於未然察變於倚數英華作奇獸握機制勝作為陣圖夫

八宮之位正則數不愆神不惑文粹作忒故入其陣所以定

位也衡抗於外軸布於內風雲負英華作附其四維所以備

物也虎張翼以進虵向敵而蟠飛龍翔鳥上下其勢所

以致用也至若疑兵以固其餘地遊軍以案其後列門

具將發然後合戰弛張則二廣迭舉犄角則四奇皆出

必使陷堅陣拔深壘若星馳天旋雷動山破彼文粹無彼字

魏之鶴列鄭之魚麗周文粹有之熊羆昆陽之虎豹出

匪以律我異於是既而圖成罇俎帝用經略北逐獯鬻

南平蚩尤戡黎於阪泉省方於崆峒底定萬國旁羅七

曜鼎成龍至去而上僊於是英華無遺風冥冥時亡

而圖存文粹有於戲聖跡長往神機未昧酌其流者猶

足以決勝九英華軍禦侮萬里故項藉得之以霸西楚

黥布得之奄有九江孝武得之攘匈奴服甌越東收獫

狁西拓大夏然則聖圖幽贊未始有涯唐文粹無天寶

中客有為韜鈴者得其遺制於黃帝書之外篇裂素而

圖之則文粹無勝敗之朕在我股英華掌天地之心見

勝敗之朕在我股

於毫末議欲獻諸策府用廣武事會天子以不戰爲師  
無爲爲寶則是圖也興於多難廢於升平堙淪不書盛  
德其沒及英華作乃旌諸圖側以爲三皇之故事六藝之餘  
伎云

上元二年豫章冠蓋盛集記

鳳皇鵠雛翔于碧霄非梧竹不下而食賢人君子有四

方之志非樂國不適其土豫章郡左九江而右洞庭接

苗民

英華作氏

之遺墟非觀風按郡

英華作部

參事歲職

二字英華作莅

職者

則長者車轍莫由至也歲次辛丑孟

英華無孟字

春正月

東諸侯之師有事于淮泗是役也以蜂蠆竊發華夷

類聚

夏作震驚執事者匪遑啓居亦既播越我都督防禦觀察

處置使兼御史中丞韋公元甫克振遠略殷為長城且

修好于鄰侯從交相見敦英華作執同盟戮力之義圖靜難

勤王之舉故三吳舟車八使冠蓋名公髦士羣后庶尹

輻輳英華作輳鱗集其來如歸於是戶部尚書兼御史大

夫李公峘至自廣陵越州刺史兼御史中丞杜公鴻漸

至自會稽潤州刺史試鴻臚少卿韋公儼至自京口蘇

州刺史韋公之晉至自吳廬州長英華作刺史前尚書右丞

徐公浩至是合肥由是越人吳人荆人徐人以其孥行

駱驛漸英華作游至大江之涯於是乎宏舸巨鷁舳接艦隘

開

輜車鸞鑣轉挂轂擊每講射合禮賓主好會裁星弁執

象笏雁行而揖

英華有者字

五十有九人凡處八座者一歷

中司者三尚書司轄者二建隼旗者九冠獬豸者十一

其載筆掖垣曳裾廷寺分曹環衛典校蓬萊

英華作閣

者印

纍纍綬若若架肩於宇下

十一字英華作印綬纍然若差肩駕於宇下

翼如

也夫衛甸侯也以多君子而夸列國梁孝王漢寵弟也

有鄒枚嚴馬之盛而焜耀後世孰與以一郡之狹五湖

之阻而濟濟俊乂馳軒冕而就客位者殆九州多士之

半則鷓鳳羣翔而萃止

英華作至

不若也彼昔人所評

英華作稱

方斯其陋乎歲二月楚氛掃除江介底定然後皆整歸

旂分鑣言旋繫維莫從音徽將遠不頌不述後嗣何觀  
公於是謹而月英華作日之且列其爵里名氏於館俾來世  
知衆君子之車塵在此境也

江州刺史廳壁記

古者國有史氏君舉必書倚相董狐史鮪史賀英華作

卽其人也秦已來國化為郡史官廢職策牘之事英華作制

浸滅記事者但用名氏歲月書於公堂而春秋檮杌存

乎屋壁其來舊矣是州也在荆之域于潯之陽江英華作西

從岷山東注渤澥洪濤至是派分爲九而廬山溢水周

于雉堞洞庭彭蠡爲之襟帶故自晉元康迄于梁陳出

入五代四百餘載世稱雄鎮且曰大英華府匪親匪賢

莫荷其寄唐有天下六合一軌設險斯廢惟民之英華

恤則命官擇任與列郡等矣至德已來戎馬生而楚氛

惡猶以是邦咽喉秦吳跨躡荆徐而提封萬井岐路五

裂每使臣計郡縣之財入調軍府之儲峙璽節旁午羽

書絡繹走閩禺而馳於越必出此之英華路而防虞

供億功倍他郡故亦大其任而難其人今年春渤海封

公繼踐厥位夫爲政猶工之攻木也得于手應于心則

盤曲擁腫迎刃而解況美材乎故公以發礪之利導勝

殘之俗布政三月而人從又每歎曰茫茫舊壤千載在

目觀乎版築則灌嬰之業皎英華作朗而存焉披乎圖

或作廓

牒則溫太真庾元規之車塵若可窺焉義寧已來百四十有九載纂斯位者風聲相聆軌躅相躡前賢後賢纍纍如貫珠善惡成敗我之元龜酌而行之吾師存焉于是徵諸故老鳩其名氏之存者凡若干人揭而書之以爲九江郡國志

### 吏部郎中廳壁記

太微五帝星座後十五星曰郎位秦漢之君則而象之乃建郎官英華作中至魏世祖分尚書曹爲六郎各六人今之吏部魏之選曹也掌選舉銓覈以正公卿大夫士羣

吏之品位凡廢置之柄官府之序歲終令天下郡縣會

計致事而郎官起草立議操而成之然後尚書受成于

郎中郎中之選非楚金百鍊旅英華作顏弓六鈞弗與也故

居官者不由選曹英華曹下有郎字而進罔以見其才之餘力

英華作地亦猶劍刀之刃未嘗剖大輻英華作屠大牛切大玉則雖

曰我且必為鑢鄒人猶疑之由其途而昇必驟周三臺

翰飛兩掖登喉舌秉刀尺者什六七英華作七八諸曹郎莫

敵也歲在乙巳河南賀若公用貞幹諒直實莅厥位往

歲公為員外郎也東曹朗然如得水鏡治餘杭也吳人

熙熙若逢陽春今也來斯英華作思八法在手操割成務彌

見陵集卷十七  
六亦有生齋校本

綸舊章悉英華作厥如初政嘗以前哲軌躅我之韋弦而武

德以來廨署鼎新者數官曹易名者五若姓不表年不

紀是廢德也將來何觀故謹而列之俾我曹之春秋存

乎座右其選部司列天官文部之目各因其所革時之

先後冠于其首以為志云

太常少卿廳壁記

太常掌玉帛鍾鼓等威文物以報本乎天神人鬼地祇

六字英華作天凡吉凶賓軍嘉之禮唐虞謂之秩宗周

地神祇人鬼謂之宗伯秦謂之奉常漢謂之太常其掌一也後魏太

和十五年始建少卿官少小也用別二卿大小之序亦

猶宗伯有小宗伯列國有上卿下卿郡有守丞亦位亞  
一等以少參長而佐其成務焉故事自御史中丞給事  
中中書舍人遷秩爲亞卿者必於是司故官因職雄地  
以人貴餘八卿不敢與太常齒廣德中上尤審官注意  
禮樂其選也以才據英華補能不以資以恩澤不以勞謂李  
公卿材也是用超拜公將以忠孝敬慎肅恭神人且懋  
其官府政令俾無不恪方議酌前賢之遺塵而損益之  
乃瞻屋英華作居壁史英華作所記漫滅於是夏五月己丑皆姓  
而名之使如珠之貫盱衡指顧儼若對面曰賢者吾得  
而師之不賢者吾韋而弦之賢遠乎哉旣進牘然後命

博士河南獨孤及爲之志

金剛經報應述

并序

洪州牧刑部尚書兼御史大夫魏公身挂元冕心冥真  
如昔常奉般若法以宏正見雖顛沛造次必與經俱十  
有若干年矣皇帝中元年冬十月車駕有避狄之師百  
僚蒼黃南馳商於公爲盜所攘而亡其經其往也匪家  
之念唯經是悼行與其獲七寶也寧見經生與其亡四  
句也寧捨身明年王正月大駕返正公爲京兆尹痛宏  
誓之未從也則唯經是圖未於元法寺之藏藏人以送  
公發函披卷乃商於所亡之本也問守藏者英華作云亦曰

不知其所自而能得公瞻禮悲喜捧持而泣然後知精  
專感達故隨心而至昭報肝鬲其疾若荅顧謂孟子太  
常博士友順志之或曰得與喪偶然耳何必謂誠感乎  
及對曰誠於此者形於彼故出其言善千里之外應之  
此以仁義忠信感於物者也況第一義諦超貫仁義自  
在惠力不啻忠信則因發而果從心誠而經還是法味  
幽贊非思議所及豈佛以般若之雨啓公善牙使因相  
以英華有獲願進登英華乎無願法之英華作法歟不  
次字然何心境元合若律呂相召歲在乙酉公以異見告及  
跪而述之曰

上士勤道精誠

英華作應

若馳願形於心報亦隨之至感無

礙經斯來歸護公身田俾公斷疑公之善根疇可度思

瑯琊溪述

并序。文粹誤瑯琊溪述序

隴西李幼卿字長夫以右庶子領滁州而滁人之飢者粒流者占乃至無訟以聽故居多暇日常寄傲此山之下因鑿石引泉醴其流以爲溪溪左右建上下方

文粹作坊

作禪堂琴臺以環之探異好古故也按圖經晉元帝之居瑯琊邸而爲鎮東也嘗遊息是山厥迹猶存故長夫名溪曰瑯琊溪他日賦八題題於岸石及亦狀而述之是歲大歷六年歲在辛亥春三月丙午述曰

自有此山便有此泉不濬不刊幾萬斯年造物遺功若

俟後賢天鍾靈奇公潤飾文粹作色之流文粹作疏為迴溪削成

崇臺文粹有山字不過十仞意擬衡霍溪文粹有不字表數丈趣

侔江海知足造適境不在大怪石磴磴涌湍潺潺洞壑

無底雲興其閒仲春氣至草木華發亘陵被坂吐火噴

雪公登山樂樂者畢同無大無小乘興從公公舉觴酒

酒酣氣振溪水為主人文粹作而身為賓捨瑟詠歌同風舞

雩時時醉歸與夕鳥俱明月滿山朱轡徐驅石門松風

聲類笙竽於戲人實宏道物不自美向微羊公遊漢之

浹峴山寂寞千祀誰紀彼美新溪維公嗣之念茲疲人

繫公其肥後之聆清風而歎息者挹我於泉乎已而粹文

作而

盧郎中尋陽竹亭記懷玉按記字原本譌作序據英華改正

古者半夏生木槿榮君子居高明處臺榭後代作者或

用山林水澤魚鳥草木以深其趣而嘉英華景有大小

道機有廣狹必以寓目放神為情性筌蹄則不俟滄洲

而閑不出戶庭而適前尚書右司郎中盧公地甚貴心

甚遠欲卑其志英華而高其典故因數仞之邱伐竹為

亭其高出於林表可用遠望工不過鑿戶牖費不過剪

茅茨以儉為飾以靜為師辰之良景之美必作於是憑

開

南軒以瞰原隰冲然不知錦帳粉闈之貴於此亭適也

亭前有香草怪石杉松羅生密篠翠筠英華作竿臘月碧鮮

風動雨下聲比簫籟亭外有山圍溢城峯名香鑪歸雲

輪困片片可數天香天鼓若在耳鼻是其所以誇逋客

而傲漢貂者百里奚爵祿不入故飯牛而牛肥盧公恬

智相養於是竹亭構而天機暢嘗試論亭之趣夫物不

感則性不動故境英華作景對而心馳也欲不足則患不去

英華作至故意愜而神王英華作完也耳目之用繫於物得喪之

源牽乎事哀樂之柄成乎心心英華有物字和於內而事應

於外則登臨殊途其適一也何必嬉東山禊蘭亭爽志

蕩目然後稱賞公欲其迹之可久故命予爲志

馬退山茅亭記

冬十二月作新亭於馬退山之陽因高邱之阻以面勢

無構櫨節稅之華不斲椽不翦茨不列墉白雲爲藩籬

碧山爲屏風昭儉也是山峩然起於莽蒼之中虵奔雲

轟數十百里尾蟠荒陬首注大溪諸山來朝勢若英華作落

星拱蒼翠萬英華作跪非狀綺布繡錯蓋天鍾英華作儲秀

於是有限於遐裔也然以壤接荒服俗參夷徼周王之

馬跡不到謝公之屐齒不及巖逕蕭條登採英華作探

者以爲歎歲在辛卯我仲兄以方牧之命試於是邦夫

其德及故信孚信孚故人和人和故政多暇日繇是嘗

徘徊此山以寄勝槩迺構迺墜英華少二字柳集作迺墜迺塗作我攸

宇於是不崇朝而攻木之功四字柳集作木工英華功作工告成每風

止雨收煙霞澄鮮輒角巾鹿裘率昆弟友生冠者五六

人步山椒而登焉於是手彈絲桐目送還雲西山爽氣

在我襟袖八極萬類攬不盈掌夫美不自美因人而彰

使蘭亭不遭右軍則清湍修竹蕪沒於空山矣是亭也

僻介嶺間英華作閩嶺柳集同佳境罕到不書所作使盛迹鬱堙

是貽林澗之媿也故志之懷玉按此文見柳子厚河東集二十七卷文苑英華八百

二十四卷則作獨孤至之之文前輩謂文之造句頗與李太白顧逋翁近又多直用前人語決非柳作辛卯為

元和六年子厚既振拔當時文體豈尚有是且前此辛卯為天寶十載至之有初晴抱琴登馬退山對酒望遠醉後作一篇詩中有王旅方伐叛虎臣皆披堅魯人著儒服甘就南山田之語于時方討南詔則此文必出於至之有可徵也

### 撫州南城縣客館新亭記

古者國野之道十里有廬廬有飲食三十里有宿宿有

路室於是此

英華作乎

賓客有底止

英華作止之

羈旅有寄寓而

是邦也

英華作下

與兩粵

英華作越

七閩犬牙其疆守官者以為

地遐途窮而瑣瑣行邁之罕到也則殺其禮而闕其物

焉無修除之備無井樹之設及賓

英華作客

至則候人不為

導里不受館而盤飧薪芻之貺弄

英華作業

如也由其

英華作是

途而往者僉曰陋如之何是歲也台司審縣尹之寄擢

王公昕為南城公至之日則考於英華作制其事典陳其藝

極視年之上下去民所英華作疾疾苦凡三月而南城之人

和於是飾廡置以候賓客葺旅次以待羈旅夏六月築

其館辨其域於道周英華作作新亭于館之陽廈屋耽耽

俯瞰濬壑賓位在左主位在右然後剗英華作剗境塉堙坎

窳以為大達屬之于溪設雙航英華作船于清津以備經度

二字英華作每將之迎之則自郊勞至于致餼英華作飲是無

曠禮無違物而茲亭之經始也取廢徹之材以移英華作利

用用迺有節入鞭朴之贖以庀工工忘其勞杜燥溼之

虞五字英華作崇棟宇之製以憩賓賓至如歸三者不愆于素功是

以懋政是以立若行者有犯軼之祭居者修飲餞之好

登斯臨斯醴酒以贈之則溪雲竹風生于棟牖英華作戶而

綠野青山為吾庭衢三爵之後可以送千里之日道四

方之志焉茲又勝會之佳境也英華無也字凡底績以興利

革故以謀始修禮以備物儔功以成務政之大者宜其

刊作者之茂實以示後嗣不然他山之石何以在茲亭

乎三字英華作此是歲廣德二年也

鄭駙馬孝行記

特進駙馬都尉滎陽鄭潛曜字某五字英華作鄭睿宗

注 2

外孫元宗之甥代國長公主之才子也膚敏而文生知  
純孝開元中長公主寢疾公年二十八觸燧侍左右帶  
不解面不饋者累月嘗藥請禱憂懇備至而疾無瘳乃  
刺血濡翰書為策英華作榮非祝請命于上下神祇願以身  
代親之身乞靈祈死泣盡繼血既而誠達於神感而遂  
契徹筵俟命焚其章草英華作畢獨神道許三字在乎二字作存  
於煨燼之中翌日長公主疾閒公固命左右勿敢言於  
其請天之章公之客尹靈琛之辭也向微靈琛言之則  
人莫知之者矣君子謂天道遠人道邇其死生冥運吉  
凶陰騭未嘗與人英華作天同功也而孝子竭誠上元為感

神符靈貺來若響答乃知行或精至則幽明

英華不能作冥

逃其應而況人乎鄭氏之子其事親也可謂孝矣惟武

王周公與天合德三壇之祝宜有丕應若公者也

英華作地

在綺襦紈袴之中非有植璧秉珪之禮而精誠上之神

亦降福非德性純至其孰能致感如此其速者歟公開

元二十八年尚元宗第十二女臨晉長公主公主柔明

而賢輔佐以禮公力行好學處貴不驕跋履夷險無替

忠信歷太僕光祿嗣滎陽郡公佩金印列長戟垂三十

餘載克荷大業而崇其家聲善而必慶爲不誣矣懼他

日史氏闕疑也故著之於篇

慧山寺新泉記

此寺居吳西神山之足山小多泉其高可憑而上山下

靈池異花載在方志山上有真僧隱客遺事故迹而披

勝錄異者賤英華作淺近不書無錫令敬澄字深源以割雞

之餘考古案圖葺而英華作之築之乃飾乃坊有客竟陵陸

羽多識名山大川之名與此峯白雲相與為賓主乃稽

厥創始之所以而志之談者然後知此山之方廣勝掩

他境九字英華作此山之奇方掩他境其泉伏涌潛洩漑潛二字英華倒舍

下無汴無竇蓄而不英華作弗注深源因英華作順地勢以順水

性始雙墾表丈之沼疏為懸流使瀑布下鍾甘溜湍激

若醜醜二字作醜乳噴發英華作及于禪牀周于僧房灌注于

德地英華作池經營于法堂潺潺有聲聆之耳清濯其源飲

其泉能使貪者讓躁者靜靜英華作惰者勤道道者堅固境

淨故也夫物不自美因人美之泉出于山發于自然非

夫人疏之鑿之之功英華作工則水之時用不廣亦猶無錫

之政煩英華作煩民貧深源導之則千室襦袴仁智之所及

功用之所格動若英華作響響答其揆一也予飲其泉而悅

之乃志美于石

毘陵集卷第十七

開化

毘陵集卷第十八

朝散大夫使持節常州諸軍事守常州刺史賜紫金魚袋獨孤及

策書

對詔策

勅與吐蕃贊普書

永泰二年

荅楊賁處士書

策秀才文三道

對詔策

問大象無體元功陰陽雖稟生之類萬殊而含道之源  
一致是以至人垂訓將以利物演為真宗貽厥後學包

括六藝周流八表或因事以立言或寓言而英華作以詮意

至如交樂於天交食於地不相與為事不相英華作期與為

謀善無所私惡無所弃施之於教何所英華作以勸勉經曰

不爭善勝不言善應正直如繩平易如水常務斯道曷

英華作何往不臻又曰善建不拔善抱不脫子孫以祭祀不

輟斯言信矣昔放勛欽明光宅天下人歌擊壤政叶雍

熙可謂善乎建抱免英華作善乎拔脫宜其帝系英華作緒蕃遠

貽厥孫謀縣縣瓜瓞邁德垂裕何丹朱之不祀而祭祀

輟乎此下當又天無二日土無二王若以天下觀天下

豈有二君乎夫君為元首臣為股肱君無賢臣誰與其

理粵若舜舉八元致垂拱之化漢用三傑成霸王之業

夏殷之末任佞弃英華作去賢宗社淪亡為無匡輔經稱不

尚賢者其旨何哉英華作也聖人立教專氣致柔故形不欲

勞性不欲竭深根固蒂可以常存則有固穆肆枉英華作朝

穆肆任勞逸過度促齡損性都英華作卻以為然又有惟靜惟

清守真守朴二經之說何取則焉又聞善攝生者動與

吉會武不措爪兵難容刃單豹巖居水飲身代俱損壽

永色孺不免噬搏何衛生之不異而利害之頓殊子既

洞曉元經探微索隱矛盾若此何以會明側席虛心佇

聞啓沃

對臣聞道之為物無名無形蓋聖人酌而用之推而宏

之取其精以修身用其麤以拔英華物從本降迹散朴作頓

為器於是可有道之道忘言之言其大略雖以冲寂為

宗虛極為體然妙用無朕故不可致詰今陛下詰其體

探其宗豈不欲因言演教於教遺一作奚有夫長風吹而

眾竅號則大無不動細無不應況陛下用大道為英華作用

為大道非風以鼓羣有臣則吹萬之一音也敢不唱於眾竅

之末臣謹按天有施地有利用天之施以處其和謂之

交樂分地之利以養其正謂之交食夫相與生於有為

有為生於有事有事則謀名存矣善惡生於公私公私

生於用用則廉

英華無廉字

棄名立矣然聖人有為不為焉

有事無事焉有謀不謀焉有善無善焉有惡無惡焉泯

善惡於一致合同異於萬殊則妙門可存教父斯在

英華

一作立

臣又按道德經云天網恢恢疎而不失常有司殺

者殺之此不爭善勝之應也文宣王稱天何言哉四時

行焉百物生焉此不言善應之驗也周書云無偏無黨

王道蕩蕩此正直如繩之效也經又云居善地心善泉

與善人

英華作仁

言善信此平易如水之證也陛下宏

英華作垣

其言挹其道以為天下式四

英華作三

十有二載矣且復推

功外名不有不恃考言詢事若冲若缺詔臣等曰常務

斯道曷往不臻臣鯁生也焉知其辨雖然有一於此願  
陛下守而勿失與神爲一使神不遠於人人不遠於天  
天人合契英華作并如影響交應則甚夷之道焉往而不臻  
夫有國者必善建皇極善抱至道道之不存傾其宗遷  
其社之謂拔桀奔英華作放南巢受死牧野是也極之不建  
失其器喪英華作亡其國之謂脫太康去洛汭幽王敗驪山  
厲王流彘是也至如堯知天歷在躬故以至公官天下  
天下戴之而不辭知丹朱不肖又以至公禪天下天下  
去之而不怨可謂邁德矣其後裔更霸迭王重之以御  
龍唐杜之代祿可謂垂裕矣陛下興廢繼絕立五帝祠

節英華春秋備其祭典英華有可謂祭祀不輟矣方之

拔脫臣謂不同經曰不尚賢使民不爭大哉聖人之知

微知彰乎夫尚賢者國家之所當先然古先聖王王字

作人雖求賢審官其用未始不無為也而聖人能無為

於求賢不能使無為無迹存則有為者尚之以為利於

是有飾智以驚愚修身以明汙其漸起於一時之名其

弊存乎千載之後不尚賢者非謂廢股肱之任絕匡輔

之力也蓋欲因時致功功成則遣英華而遣之因義立

事事遂則有而無之無之則跡滅跡滅則爭息爭息則

於為無為於事無事雖八元以翼唐弼虞三傑之勤秦

滅項其無為無事一也若夫齊天地冥萬物莫大於全

真專氣致柔全真之本也惟清惟靜全真之中也各然

其所然各可其所可全真之末也設教者三合其道一

以貫之雖逍遙與道養殊途然性情英華作靜與力命同轍

苟因其合英華作命而較其分則子產不得不勞於刑政朝

穆不得不逸於肆任若矯其肆任之性以徇刑政之端

是續鳧截鶴虧其全矣故聖人以大猷御六氣之辯以

大方合二經之旨明應變無方立言不一學者宜忘言

以究其體統不可執言以滯於英華作其筌蹄經不云乎返

老子及者道之動惟動而常靜靜可以取則權足以合義

義無反經凡養生者以本爲精以物爲麤閉其外慎其  
內迹不踐凶危之境故兵不能容其刃心不居馮暴之  
地故武安得措其爪苟守其精而遺其物故得於內而  
喪于英華外外內無以持其分則衛生之經悖矣謂之  
不異臣竊異之至如希微大體微妙元鍵陛下得黃帝  
之遺珠久矣雖廣成無所陳其至精傅說無所用其舟  
楫啓沃之問豈臣及之有黷睿謀懼殞越于下謹對

勅與吐蕃贊普書 永泰二年

勅吐蕃贊普外甥朕共贊普代爲與國自我元宗至道  
大明孝皇帝與生疑當贊普和親結好將六十年仰思

當時之約豈爲一朝之故實欲相恤災患永同休戚使  
代代子孫爲兄弟甥舅如手足之相衛唇齒之相依自  
爾使息戎罷兵二境無征戰之苦金玉綺繡問遺往來  
道路相望歡好不絕贊普寧忘之乎自我國家有安祿  
山史思明之難朕謂言贊普必有恤鄰救患之意豈知  
乘我之豐恣其侵軼煞略河湟之人爭奪汧隴之地又  
與朕叛臣僕固懷恩共扇誘迴紇等諸蕃同惡相濟犯  
我都邑三年之間三至城下此實贊普苟窺分寸之利  
自弃一家之信不念婚姻之好忍絕甥舅之歡累代親  
鄰一朝併弃有目有耳者皆爲贊普羞之夫以小國伐

大國且勞師襲遠而助叛臣有是三者神宜悔怒果然  
懷恩自斃迴紇來降羌渾諸蕃內難外散天實有眼心  
可負乎朕頃以背盟不祥絕親不義寧人負我我不負  
人所以含垢數年未忍致討旣不得已方思用師正欲  
悉天下精兵長驅西向弔人問罪然後凱旋上以雪宗  
廟之讎恥下以釋將士之憤怒自料以德征暴以大攻  
小以信討詐以義罰不義當如沸湯沃雪猛火焚枯人  
神同力何往不濟籌議之次適會彼國使來云願修前  
好復如舊日覽書見意良用憮然欲不許則人來歸我  
欲許則信不可恃是以遣御史中丞楊濟往諭朕意且

探誠款九月濟與彼國宰相某乙等同到得所寄書然後知事皆由衷言無虛謬再披來旨朕甚嘉之何者自非聖哲人誰無過過而能改亦古人之所善追思六十年之舅甥有先祖先贊普之誓約言在史冊信結天地豈以小不忍而墮大體使百姓疲于甲兵兩主遂爲仇讎貳過遷怒朕所不取敬依來請彼此結和而今而後不復念惡已令內外屯戍罷析解嚴凡我二國洗瑕遷善經略封疆素有分地各守土宇爾無有侵永爲親好復如開元中故事昊天上帝山川鬼神實聞朕言無謂不信冬寒贊普外甥比平安遣書指不多及

荅楊賁處士書

上德無爲其次爲而不擾及爲邦歲期

英華作暮

而人疲如

初終

英華無終字

日以貢賦不入獲譴於上官遂以州比不

調之琴思解弦更張之義算口徵賦

英華作輸

以代他征意

欲因有爲以成無爲爲未著而人已告怨跡其所以然

無德故也夫導政齊刑民猶免而無恥況權道以反經

爲用去德逾遠使無速謗末由也已所喜幸苟有過吾

子知之貽書見讓以直諒相益商也起予孟孫愛我吾

子兼之矣愧辱嘉貺顧無以當之三復白圭欲罷而不

能然來書所陳富人出萬今易以千貧人出百今亦數

倍富倍優貧倍苦竊詳雅旨事或未然昨者據保簿數  
百姓并浮寄戶共有三萬三千比來應差科者唯有三  
千五百其餘二萬九千五百戶蠶而衣耕而食不持一  
錢以助王賦詩不云乎或燕燕居息或盡瘁事國在於  
是矣每歲三十一萬貫之稅悉鍾於三千五百人之家  
謂之高戶者歲出千貫其次九百八百其次七百六百  
貫以是爲差九等最下兼本丁租庸猶輸四五十貫以  
此人焉得不日困事焉得不日感其中尤不勝其任者  
焉得不襁負而逃若以已困之人已竭之力杼軸不已  
恐州將不存苟以是爲念安敢不夙興夕惕思有以拯

之方今爲口賦誠非彝典意欲以五萬一千人之力分

三千五百家之稅愚謂之可復

英華無復字

使多者用此以

爲裒少者用此以爲益損有餘補不足之道實存乎其  
中富人貧人悉令均減倍優倍苦何從而生竊料動搖  
不安以遁逃相扇者不過以規避之戶與寄客耳此輩  
浮食儉安

英華有以字

久漏差科惡同均賦稅之名祇思苟

免若編戶地著者雖驅之使逃亦固不從今已擇吏分

官以辨其等差

英華作差等

量分入賦其數懸牘以示之信

若信之不明分之或過等差之不均官吏之不仁困而  
後去誰曰不可乃未及知斂之薄厚辯之濟否望風聆

聲遽告勞而逃斯豈為政者之過乎顧禮義之不愆孰  
 能恤叛者之言耶天下無不食王土之臣寧有不輸王  
 賦之民此輩飲國之澤食地之利將薄斂以助逋賦則  
 日挈妻子而去之是與英華作知鳥獸蠻貊無以異矣其來  
 既不可以奉征稅其去亦何足以病州縣違之一邦亦  
 猶是也等不為用又焉能資鄰然計斯人之徒亦未必  
 悉然固或有不去者焉庶幾其所濟猶大但不防之于  
 微拙誠有之奉教三省英華作省躬敢不知罪子產鑄刑書  
 作兵疑當作正賦以救鄭國而獲譏於叔向及才不如子產  
 口算不如兵賦英華有而字吾子之言過於叔向之直中心

藏之何日忘之簿領拘限莫由詣展未見君子馳誠無  
極不宣舒州刺史獨孤及頓首

策秀才文三道

問儒有安身以全德有殺身以成仁有徇名以行已有  
忘名以救物雖俱出於儒墨而用之不同聖人立言豈  
其無持操歟夫魏顆違命申生受賜伍尚赴郢伍胥如  
吳四者孰孝比于死之英華作而微子去之太公投竿伯夷

采薇四者孰義石戶竄于海上伯陽隱于柱下范蠡汎

舟於

五字英華作  
鴨夷子去

越三者孰潔今欲考其本末度長以

挈大較其去就合異以爲同渴聞貫之之道辯之之說

問黃帝氏以無為為政垂衣裳而天下順周人三千其  
 儀亦克用又舜誅四罪天下咸服而成康棊已刑措不  
 用致化之本豈不同源而文質殊貫損益相反以古範  
 今何去何二字英華就孔子用鉞兩觀而魯至于道而  
 宓子賤鳴琴愔愔單父亦化英華作宓子賤鳴琴單父  
 而民亦自化。又愔愔二字英華注云寬猛之際大小不三字英華侔比權量實  
 集作培熾非

其義焉在敷暢厥旨敬佇嘉言

問傳曰其君齋明精潔則神饗人聽故明神降之夫天

地烟燼沖氣為人神何由降明何由出至如晉崇英華作崇

實沈崧生申甫編傳穀城之老言發魏榆之石檮杌杜

伯與商周而存亡黃熊白毛將晉虢而興敗是何祥也  
根本焉在二三子賁然來斯宜究乎天人之終始其悉  
數以對

昆陵集卷第十八

開化圖書館

Kaichua library

毘陵集卷第十九

朝散大夫使持節常州諸軍事守常州刺史賜紫金魚袋獨孤及

祭文上

弔道瑾文

并序

祭土龍文

祭纛文

祭岷山文

祭吳塘神文

爲吏部李侍郎祭李中丞文

爲元相祭嚴尚書文

為楊右丞祭李相公文

為吏部楊侍郎祭李常侍文

為明州獨孤使君祭員郎中文

祭衢州李司士文

為華州李太守祭裴尚書文

弔道殣文

并序

辛丑歲大旱三吳饑甚人相食明年大疫死者十七八

城郭邑居為之空虛而存者無食

四字從英華增

亡者無

棺

英華作柩

殯悲哀之送大抵雖其父母妻子亦啖其肉而

棄其骸

英華作體

於田野由是道路積骨相支撐枕藉者彌

二千里春秋已來不書或謂縣官處師旅饑饉之弊宜

讓災于未然既將英華無不時賑卹又苦之英華無以

杼軸故及是及以為不然當陽九之厄陰陽英華有錯

而災沴降天也非人也於是延陵包佶作道殣文蓋小

雅雲漢之流英華有及亦斐然英華作獻弔且告之運

命云

八風不和六氣不均上天疾威大厲薦臻俾災流行殄

殲斯人此當作自淮沂達於海隅札瘥天昏亦既毒痛

匪蹈密網匪懼萑蒲饑饉降喪淪胥以鋪人生寄世孰

非遠客嗟爾賦命天年逼迫生不餽其口死不掩其骼

曠野茫茫僵尸纍纍髑髏崢嶸如堆如坻里閭無烟雞

犬去之死非爾所鬼其餒而水陷英華作滔歷陽貴賤同之

英華作傾秦坑趙卒內填長平實天不備謂禍莫京爾復胡

為無辜命并將英華有天字天闕之則如勿生司殺之網英華

是作柄孰云孔明伊昔太古上元同之世英華無世字非與下弟字韻不

可天無鞠凶物無疵厲英華作癘疵父不喪子兄不哭弟亦

有華胥民壽千年陰陽常和玉燭常然彼何人斯而生

斯時聖人既興大盜亦隨外戶反閉賢愚相欺我先王

乃作五兵固不得已而用之堯舜既歿揖讓不傳黃鉞

白旄謂之應天德乃下衰干戈相連陽九祲興災纏凶

年鳥皆夜鳴英華作啼人失其全食盡力疲守死道邊不自

子英華作爾後不自爾英華作我先萬世一時運有固然帝在法

宮清問下民青旗鸞輅時令惟新叶風和布天下皆春  
爾往莫及委骸窮塵命不可問嗚呼蒼旻

### 崇土龍文

陽驕陰伏女魃作孽孟夏不雨至於是月后土將乾百  
谷恐竭天道下濟龍德正中宜甘其雨亦祥其風曰歲  
與時俾和而豐胡然屯膏英華作胡屯其膏物乃殄瘁民用艱  
食神將乏祀豈天不仁豈龍不智盍本誤蓋據英華改正直以  
自輔憫雲漢於下土詔列缺使舉火命商羊以鼓舞翬

兮為雲霖英華作霈兮為雨滲我王土而毛之取我黍稷而

膏之俾爾稼如茨俾爾穗如坻實廩實藏為盛為粢無

貽龍羞俾神我欺尚饗

祭燾文

年月日都統江淮之南節度觀察處置等使戶部尚書

李峘謹以少牢之奠敬祭于六燾之神天地不仁神明

無親惟德英華作正是與若響之荅敢有象恭英華作龔滔天構

釁稱亂國有明罰神其捨諸賊臣劉展假寵多難敢包

狼心竊發蠱毒將敷虐於我上下神祇使東溟揚波羣

動昏墊皇帝震怒俾勦亂略英華作按命我上將底天

劍授鉞

之伐於是虎牙鷹揚之臣虵矛犀渠之羣橫行而東我

伐用張月弧

英華作羽

雲旗已

英華作以

先啓行方將歷潯陽下

南陵收京口掃建業斲梟獍以釁鼓封鯨鯢爲

文粹作于京

觀俾萬里浪破三象霧廓今以令月吉日整駕卽路是

用徼福于爾有神惟神降衷尚弼予志敢告無靡旗無

絰驂無汰輶無僨車命五將護野萬靈竝轂令天地氛

祲望風掃除魍魅魍魎罔不率俾莫我敢遏爲神祇羞

尚饗

祭岷山文

英華作祭皖山神祈雨文

年月日朝散大夫檢校司封郎中兼舒州刺史充當州

團練守捉使賜紫獨孤及奉勅以清酌之奠敢昭告於

岍英華作皖山神之靈頃緣亢陽不雨桑盛將敗敢以人欲

乞靈於神謂必胥蠶遄賜英華作錫介福俄以浹日未蒙降

衷潤礎不徵觸石無望稼穡盡瘁澗溪將竭豈有悔怒

將為毒痛不然何瘖我以旱使滌滌至此今元元怨咨

皇帝盱食下罪已之詔崇羣神之祀將以敬恭之懇邀

福于英華無于字明神神其沛然迴慮驟降以雨使枯苗復

生飢者得食上以應聖主乾乾之心下以副萬人顛顛

之望是人性命與神存亡敢不以太牢少牢剛蠶翰音

之薦以為明祀以報純嘏若猶陽固陰蓄蘊沖六字英華作固

陰蘊蓄沖沖如初神則不明人將何賴亦當撤惟馨英華  
非不如原文作馨之奠寢嚴禋之儀祭禮興廢在此一雨敢因陳告  
庶無神羞尚饗

祭吳塘神英華有新文

年月日朝散大夫檢校司封郎中兼舒州刺史獨孤及

謹以清酌之奠敢昭告於吳塘神之靈五字英華作山

作靈鎮神實司之人作神主及實尸之神非人罔以薦

馨香人非神罔以降福祥馨香不薦伊人之尤福祥不

降亦神之羞及剖符為邦今二年矣制節謹度不敢怠

遑庶無英華罪悔以奉禋祀祀未豐潔政或頗類實及

英華作逃五亦有生齋校本

之責

英華作守實及責

非人之愆惟神祐之俾大有年今盛夏

旱蒸五稼將枯田畷訴號靡知其辜神明豈不降鑒下

土油然為雲沛然作

英華作為

雨使萬人歡康百穀阜滋灑

我公田遂及我私我京我庾維萬維億豈伊人粒神亦

血食衆心顛顛非歲曷望望之濟否惟神所相尚饗

為吏部李侍郎祭李中丞文

某年月日某官某乙謹以清酌少牢之奠敬祭于故蘇州刺史兼御史中丞贈吏部侍郎李公之靈嗚呼天以純粹鍾美於公孝友慈惠公廉貞直事君以忠臨節有勇可以師表鄉黨儀刑措紳宜荷百祿乃朋三壽孰司

物化曾莫輔德諸公

英華作父

不死公獨返真官不過八命

年未踰六十豈五藥乖養九藏失節以及此乎將修短  
之域窮達之數止於是乎前期幽報如所修乎俯觀生  
前亦有恨乎昔公出入臺閣勤勞王事馳驅使車周旋  
天下克己奉職一何正也姑蘇之役姦倖構難公秉義  
勇誅其渠魁每寇圍逼勾吳震駭公率羸師克翦大敵  
奇謀生於死地貞節見於孤城夫豈惡生誓無奪志臨  
危致命一何壯也濯纓來朝祇若王命三府高議方以  
黃散咨公天乎無知不從人欲旅櫬委於空館妻孥恨  
於遠道其來也駟馬朱轡其往也孤轎丹旄天子興悼

台臣雪英華泣情鍾我輩哀英華可既乎某乙等英華

非等義惟寮友季卿等屬忝宗族歡愛如昨書札猶新伸

眉未幾英華交臂忽英華失形骸畱此魂魄何之鳴琴

潺湲恍若在耳前路冥冥良遊無期靈之來兮歆此薄

酌英華尚饗作酌

為元相祭嚴尚書文

年月日某官某乙謹以清酌少牢之奠敬祭于黃門侍

郎兼吏部尚書御史大夫嚴公之靈嗚呼天惟匪忱英華

作難才不必壽冉耕斯疾顏回短命吉凶兆英華朕凡作無

聖共惑惟公茂質見於芳年菌蠹九葩磊砢英華千丈作落

頃嘗戮力當代以智開物若發礪之刃決雲切泥英華作玉

長安浩穰憲網疎漏天子命公尹京執法能秉直道以

張皇綱以智至皇綱三十七字英華止盜奔訟清周月

報政巴蜀亟擾上為盱食公之英華作自公攸祖亂亦英華作亦

既遄已昆夷授首邛夔飲化乃加英華作及位冢卿為天喉

舌謂當任極台鉉壽如岡陵青雲可攀白日忽暮嗟來

桑扈溘與化往孰云夫君而有斯命藜蘭英華作芳叢春敗

大壑夜失非君興哀吾誰為慟昔公先中書以道消讒

勝不踐袞職公復算屈短歷卒無相印蒼生孤望前後

同悲曩子論交於予投分形接意敵聲應事感懼涉世

故累荷寵榮予忝台司公亦亞相大駕東狩獲陪英華作卒

屬車各負羈縶同扞英華作又同牧圉誠節見於多難交態

彰於困蒙願言悉心共獎王室鎮蜀之役英華作後南北頗

限猶易前期未嗟少別別未艾也死生閒之夙昔歡愛

今反為悲真宰何人壽夭誰司善而無報天豈予欺憶

昨攸往火旗電輜今也來斯白馬龍輜當作輜鯉書遂絕

雞黍無期惜無寶劍挂君松枝旨酒一壺幽明此辭尚

饗

為楊右丞祭李相公文

年月日尚書左丞楊綰吏部侍郎李季卿吏部侍郎王

延昌刑部侍郎魏少遊工部侍郎徐浩謹以清酌少牢  
之奠敬祭於故相國李公之靈嗚呼宗祏儲祉降神生  
公稟天純懿爲國柱石負荷大業儀刑本枝九居專英華  
作邊城六處八座五領憲府兩登台司唯公廉忠信是務  
惟寬厚清靜是守危言獻可未嘗脂韋取容直躬而行  
不爲權倖改操三已無愠一麾乃出其茂勳崇名遺芳  
餘事輝映策牘標準措紳所莅之邦於今頌美若鄭人  
之思子產周人之歌邵伯謂公福如山阜壽登期頤爲  
天子元老以弼成庶政溘與化往嗚呼曷歸何萬人之  
具瞻與天命之相違窺遺塵於臺閣想見公之容徽嗟

道申而壽屈

英華作短

痛跡是而人非綰等恭承嘉惠昔嘗

登門接後堂之懽娛參東閣之討論謔浪在耳書札是

存奈何少別忽閒九原

英華作泉

尚饗

為吏部楊侍郎祭李常侍文

年月日某官某乙謹以清酌

英華有少牢二字

之奠敬祭於故

右散騎常侍贈禮部尚書李公之靈嗚呼冲粹

英華作和

之

氣生德於公忠孝貞諒聰明宏達卓犖特立英明虛受

自司翰持衡觀風執法周旋三閣出入十載能直其道

而正其身致命臨節仁而有勇造次顛沛義形於色莊

敬發于談笑孝謹扇乎

英華作于

闔門若天祚明德神與正

直公宜錫慶鍾壽俾大而昌于何官不至三事年不及  
六十積德無報為仁者惑焉今行及先遠將安宅兆嗟  
來桑扈往無返期追思平生夙昔懽好懇款交臂之分  
殷勤英華作勤同心之言今則冥冥無非夢想非夫人之  
為慟吾英華作而誰為慟不知神之所在彼乎此乎旨酒一  
樽庶以為別英華作以尚饗

為明州獨孤使君祭員郎中文

年月日某官某乙謹以觴豆之奠敬祭於故某部郎中  
兼某州刺史員公之靈吳越僊歲元元艱食帝咨四嶽  
分命於公克勤於邦克儉於家忠而能力剛亦不吐出

入臺閣將十五載動合律度言為程式及茲剖符銜疾

受命而慨然有表正東夏澄清江湖之心海隅蒼生方

望英華作仰公以大庇朝廷措紳期公以上台而悠悠蒼天

屈公以下壽時既須英華作得而命不與智未窮而生有涯

嗚呼哀哉昔公繡衣持斧予忝接武於朝公負譴投荒

予亦左衽異域山川有閒交情無極各隨流波英華作波流

在天一方險阻艱難亦既備嘗邂逅相遇荆蠻之鄉惠

而好我何日能忘浙右巨鎮甬東孤城風烟相接英華作接

壤弔伐同盟未及前驅莫申微誠遽聞沈疴英華作痼忽聞

死生九原誰歸萬事長往夙昔惟愛無非夢想舟逝壑

走吾將安仰隻雞之薦靈兮歆

英華  
作來饗

祭衢州李司士文

年月日前華陰縣尉獨孤及謹以清酌庶羞之奠敬祭  
於衢州司士參軍李君之靈惟君砥節礪行抱粹含純  
剛亦不吐直而能溫筮仕誠立安卑道存宜錫難老亦

高其門奈

英華  
作如

何盛德迫此短辰追惟夙昔修好於君

託以良援申之昏姻勸我以義敦我以仁各徇薄宦俱  
期致身頃復離別幾爲胡秦契闊乖阻艱難苦辛君限  
靡監陳力甌閩子集茶

英華  
作于

蓼零丁海濱弔恤何深舊

好殷勤贈言如昨尺素猶新倏忽長往吾誰與親常日

音徽平生懿文今則已矣長為古人憐君不知哭君不  
聞瀝酒墳草灑淚隴雲庶因薄奠髣髴精神尚饗

為華陰李太守祭裴尚書文

年月日華陰郡守李某謹以清酌庶羞英華作少牢之奠敬

祭於故禮部尚書英華有河東二字裴公之靈嗚呼元精純粹

生德于公峻極降祉貞明在躬濯纓登朝事君以忠出

入三閣周旋兩宮褰帷井陘推轂盧龍喉舌是寄英華

作問斯崇鯤背垂天鴻毛順風亦既左官時更困蒙夷

險能齊英華作一高明有融三已無愠再命滋恭肇受方伯

俄昇秩宗將陳暮謀以佐時雍如何不弔降此鞠凶珠

履聲絕蒼生望窮機返太素勳留景鐘英華作杳杳龍  
輔瞻言徂東敬飾薄奠邀神昊穹靈顧來饗音英  
聲作容嗚呼哀哉尚饗

毘陵集卷第十九

毘陵集卷十九

十二亦有生齋校本

開化圖書館  
kaihua library

毘陵集卷第二十

朝散大夫使持節常州諸軍事守常州刺史賜紫金魚袋獨孤及

祭文下

祭吏部元郎中文

祭壽州張使君文

祭揚州韋大夫文

爲楊右相祭西嶽文

祭韋端公炎文

祭賈尚書文

祭相里造文

祭滁州李庶子文

祭博陵郡君文

後序

唐故常州刺史獨孤公毘陵集後序

安定梁肅

祭吏部元郎中文

年月日禮部員外獨孤及謹以蔬飯壺酒敬祭於故吏部郎中元公之靈上士齊死生下士愛生惡死而惑之知生死若幻而不能忘情於其閒者我輩所不克免始者與公同弔死問生論議亦頗嘗及此豈謂言未絕口而公又長往昨日經過遽成疇昔何變化之速乃至於

是視不及瞬言不及英華息嗚呼元君今已返於機夫

作容

彭祖殤子同歸於盡豈不知前後相哀達生者不爲歎  
公齒髮未老官途方半相視而笑冀前路各有所展豈  
圖閒闊數日而死生閒之竹林如故階塵未掃唯人琴  
兩亡影絕響滅湯湯清弦豈可復聞承以令辰將赴瑩  
闕痛天道之茫昧予豈無言而悲來從中遠英華復抒  
意匪祭也永以爲別也尚饗

祭壽州張使君文

年月日舒州刺史獨孤及謹以清酌嘉蔬柔毛之奠敬

薦

英華  
作祭

于故尚書工部郎中壽州刺史兼侍御史張公

之靈頃者剖符為郡與公鄰邑祇役往復日以攜手嘗

辱嘉惠愛我則深柰何故英華作此是別後盈魄未周相去

無山川之間纔聞嬰疾遽告不幸古詩稱一息不相知

今乃爾二字英華作而果爾耶別時高論精義在耳袖中尺書灑

翰猶溼而形影驟滅了無還期雖欲效古賢謂悲哀為

怛化情莫可遏徒虛語耳惟公貞亮溫毅強學好古人

皆窪而盈曲而全公獨以峭直英華作全真接物雖悔愆不

改其度人多求田問舍公獨以百家言為寶藏書至八

千卷而不止以斯道也施于有政故其德形於事業其

仁浹於百姓楚人壽人如得陽春識者揣公壽與位偕

今也溘焉

英華作然

而人何望嗚呼王事拘限會葬莫及思

賢歎逝執紙涕零若久要之不敢忘也豈不顧饗於今日蘋藻之奠尚饗

祭揚州韋大夫文

年月日朝散大夫檢校尚書司封郎中

英華作員外郎

兼舒州

刺史充本州團練守捉使賜紫金魚袋獨孤及謹以嘉蔬柔毛之奠敬祭於故揚州大都督府長史兼御史大夫淮南道節度觀察處置使韋公之靈王命九伯底綏四方惟公剖符作藩維揚往歲斯民匪迪匪康自公戾止視之如傷飾吏以儒出言有章革剗煩苛載戢暴強

將吏奉君英華作之若網在綱罔或作威以紊典常英華作章民

斯輯睦政亦允臧和氣被物豐年降祥天之輔仁公宜

熾昌奈何不淑景命遽央英華作殃百城悼心萬民何望及

忝列城備守封疆獲宥罪戾庇身餘英華作余光德宇所覆

今也則亡偏思遺愛追蹈餘芳俛仰興懷望慕悽涼拘

限所職路阻且長遙抒下情旨酒一觴尚饗

為楊右相祭英華作賽西嶽文

維年月日司空英華有兼字右相楊國忠吏英華作禮部尚書同

中書門下平章事韋見素等謹以少牢之奠敬祭於西

嶽金天王英華無王字之神頃自獻歲達於三月畜極不雨

屯膏未光元元其咨滌滌是懼國忠等是用虔奉睿慮

英華作謨

聿遵祀典謹遣鳴臯山人韋朝真敢徼福于大神

之靈精意纔申而休祐胥蠻宸衷遙達而瑞澤滂沛非

神之幽贊叶于國

英華有非字

神之景命符於人則疇能降

祥薦祉如此真速故簠簋犧象

英華作牲

敬修享禮雖冥應

無方非馨香所荅而神威如在庶明靈惟歆尚饗

### 祭韋端公炎文

維年月日司封郎中兼舒州刺史獨孤及前舒州司馬

皇甫曾等謹以清酌庶羞之奠敬祭于故侍御史舒州

桐城縣丞韋公之靈昔公執法柱下某等接武

英華作足周

行嘗趨後塵飽聽公議某英華作及既出守曾復播遷公亦

負譴黜官二字英華作玷辱同官為察之好敢不知孝悌忠信

強毅正直樂善惟恐不及嫉惡不去英華作盡不止分枉直

於心識英華作職以澄清為己任形於造次發於自然謂必

眉壽且鍾介福奈何強壯英華作仕之年大才先謝志業所

趨未申萬一有生之涯溘然永已慈親羸老弱子未齒

反葬無望委骸英華作體他山等為歸真艱痛太甚天不我

弔哀有何極某等頃嘗以鱸酒豆肉邀君同懽今之所

獻猶前鱸也但夙昔志氣比來話言遽悉冥冥無非夢

想往既不及來莫可英華作我非追猶持此奠英華作尊以抒永

別英華有至  
苦二字

天闕之痛夫復何言尚饗

祭賈尚書文

維大歷七年四月二十一日朝散大夫檢校尚書司封  
郎中兼舒州刺史賜紫金魚袋獨孤及謹以清酌庶羞  
之奠敬祭于故散騎常侍贈禮部尚書賈公六兄之靈

嗚呼性命之源仲尼罕言頃者與兄存而不英華  
作勿論亦

謂景福必鍾德門未虞昊天驟忍我欺所以分手容易  
前期日往書札祇嗟別離孰云別中死生聞之賈生謫  
去遭世不用以命問鵬千古猶痛兄逢盛時任適梁棟  
青雲咫尺巨鱗始縱溘爾中止俄同大夢天下孤望非

兄誰慟追念夙昔嘗陪討論綜覈微言揭厲孔門匪究

枝葉必探本根高論拔俗精義入神誓將以儒訓齊斯

民文章陵夷鄭聲奪倫兄於其中振三代風復雕為朴

英華作風正始是崇學者歸仁如川朝宗英華作百六

復為朴義炳焉自兄中興大名全才儀刑百工嗚呼彼天胡不

祐賢英華闕茸讒諛或錫永年好學不幸繫兄復然豈

天地不仁將斯民薄祐顯顯之望見奪何遽某獲見於

兄二英華十有六年矣兄有七英華十年之長蒙以伯仲

相視博文約禮謂英華仁由己同心之言期於沒齒前

後尺牘羅列案几愔愔清論悅悅在耳一旦如失萬事

英華作  
年非

遄已民之所望今也胡俟某守職拘限會葬

英華

作喪

願乖白馬素車欲往無階寢門一號心酸骨悽容微

自此永不復見若魂魄無不之也豈不覩平生心於今  
日斗酒之奠乎尚饗

### 祭相里造文

年月日舒州刺史獨孤及謹以清酌之奠敬祭于河南  
少尹贈禮部侍郎相里公之靈嗚呼往歲嘗與公度論  
死生變化豈不知身與萬物悉當歸無猶謂不惑於道  
者可以不奪其算豈圖論猶在耳目未及瞬而公度之  
身復為異物益知觀化而但自古皆妄而哀來從中妄

豈易遣嗚呼公度有志有文量足韜世善可救物宰賜  
 言語冉季政事古莫兩大繫公兼之伊昔密薦可否廷  
 折凶佞京師童兒亦知公名其後江人杭人頌德不暇  
 洛表耆老俟公而蘇秉公論者無賢不肖孰不謂公致  
 君致身方自此始奈何吉未會也凶問隨之天下悼惜  
 士友悽歎况某投分於策名之始竝命於剖符之列久  
 要不忘平生實唯公度是望同心同病英華作心我身  
 子身也子與化往奈我心何名跡畱為故英華作心事話英華  
作言存乎耳目唯音形眇忽無前期可望每一念至哀  
 填胸臆往矣公度去我何之勿言一罇永無英華共持作難

倘肯顧饗表公我思尚饗

祭滁州李庶子文

年月日常州刺史獨孤及謹以清酌嘉蔬之奠敬祭于  
故右庶子滁州刺史揚州大都督府司馬兼侍御史隴  
西李長夫之靈嗚呼才與上壽并者吾不得見之矣得  
見中壽者斯可矣嗚呼長夫曾未半之官不展才事不  
如志奄謝昭世溘歸黃泉雖欲茹哀哀可茹乎追惟長  
夫行茂神俊孝愛友睦諒直仁勇卓犖夸邁英明曠達  
英華文武志略邦家必聞爲州治行居百城之最詩賦  
作遠歌辭窮六義之美休聲喧於里巷佳句被於管絃珪璋

令問中外注耳謂當入拜九卿出分四岳萬人所望一

旦中止行路悼惜豈直同心者之心滄洲長挹之談玉

溪獨往之興竟

英華作競

迫身世永孤願言

英華作志願

儻魂而

有知當飲痛泉下往歲滁城之會俱未以少別為感

英華

作感臨岐道舊坎坎鼓我酒酣氣振言盡歡甚孰知此際

以是永訣今萬事如昨

英華有日字非

書札猶新唯故人音容

不可復見悲莫悲兮生別離況長往之別乎王事拘限

莫由執紼卮酒豆肉後會無期彼蒼悠悠逝者何之長

夫長夫魂兮來斯尚饗

祭亡妻博陵郡君文

維大歷八年二月十五日檢校司封郎中兼舒州刺史

獨孤及謹以清酌菜果之奠英華有敬字祭于故博陵郡君

之靈嗚呼及顧惟鄙薄謬忝好合英華作合好采蔡助祭歲

時未幾執手偕老昊天遽奪齊體苦晚遺跡太早猶未

知壽域有涯短長已臻其極耶將及薄祐速豐宜為淑

明所弃耶屋壁挂存琴瑟響絕修法勸英華作勤義今將疇

依日月有時龜筮告協將涉英華作陟故路耐于先塋及為

印綬所拘不獲親自封樹豈虞此別死生閒之往歲方

舟偕來今也單轉獨歸郊圻一英華作不非慟心骨可絕頃

者萬事無非去塵變化茫茫往矣何道今也卮酒將杼

永別尚饗

後序

唐故常州刺史獨孤公毘陵集後序

安定梁肅

大歷丁巳歲夏四月有唐文宗常州刺史獨孤公薨于

位秋九月既葬

梁集無此五字英華有

門下生

集作客英華作士

安定梁

肅咨謀先達稽覽故志以公茂德映乎當世美化加乎

百姓若發揚秀氣磅礴古訓則存

英華作在

乎斯文斯文之

盛不可以莫之紀也於是綴其遺草三百篇為二十卷

以示後嗣且

集作乃

繫辭曰夫大者天道其次人文在昔

聖王以之經緯百度臣下以之弼成五教德文下衰則

怨刺形于歌詠諷議彰乎史冊故道德仁義非文不明

禮樂刑政非文不立文之興廢視世之治亂文之高下

視才之厚薄唐興接前代澆漓英華作醜之後承文章顛墜

之運王風下扇作者迭起英華作舊不及百年文章英華

作體反正其後時浸和溢而文亦隨之天寶中作者數人

頗節之以禮集無其後至以禮洎公為之集作於是

則又操道德為根本惣禮樂英華作為冠帶以易之精義

詩之雅訓英華作典春秋之褒貶屬之於辭故其文寬而簡

直而婉辯而不華博厚而高明論人無虛美比事為實

錄天下凜然復覩兩漢之遺風善乎中書舍人崔公祐

甫之言也曰常州之文以立憲誠世褒賢遏惡為用故

議論最長其或列于碑頌流于歌詠峻于崧華浩如英華

作浩於集江河若贊堯舜禹湯之命為誥為典為謨為華

訓人皆許之而不吾試論道之位宜而不陟誠集作哀哉

公諱及字至之祕書監府君之中集作第四子道與之粹天

授集作付之德聰明博達剛毅正直中行獨復動靜可則

仁厚英華作孝弟積為本行文藝成乎餘力凡集作其立言必

忠孝大倫王霸大略權正大義古今大體其文中雖波

騰雷動起復萬變而殊流會歸同致英華作志于道故於賦

遠遊頌嘯臺見公之

英華無之字

放懷大觀超邁流俗於仙

掌函谷二銘延陵論八陣圖記見公識探神化理

英華作智

合權道于議郊祀配天之禮呂誼盧奕之諡見公闡明

典訓綜覈名實若夫述聖道以揚儒風則陳留郡文宣

王廟碑福州新學碑美紀

英華無二字非

成功以旌善人則張

平原頌李常侍姚尚書嚴庶子韋給事韋穎叔墓志

英華

作銘鄭氏孝行記李睢陽楊懷州碑纂世德以貽後昆則

先祕書監靈表陳黃老之義於是有對策文演釋氏之

奧於是有鏡智禪師碑論文變損益於是有李遐叔集

序稱物狀之美而暢其情性

二句英華作稱物狀以怡情性

於是有瑯

瑯溪述盧氏竹亭記抒久要於存歿之間則祭賈尚書

相里侍郎元員外

英華作郎中

李庶子文其餘紀物敘事一

篇一詠皆足以追蹤往烈裁正狂簡噫天其以述作之

柄授夫子乎不然則吾黨安得遭遇乎斯文也初公視

肅以友肅亦仰公猶師每申之以話言必先道德

英華作德

禮而後文學且曰後世雖有作者六籍其不可及已荀

孟朴而少文屈宋華而無根有以取正其賈生史遷班

孟堅云爾吾子可以共學庶乎成名肅

集作鄙

承其言大

發蒙惑

集作用發吾覆

今則已矣知我者其誰哉遂銜涕為序

俾來者于是觀夫子之志若立身行道終始出處皆載

易名之狀故不備之

集作於

此篇

吾子十字集作唯子可與共學當視斯文庶乎

成名四字英華作當視庶子成名大繆

毘陵集卷二十

開化圖書館

kaikwa library

毘陵集附錄

朝散大夫使持節常州諸軍事守常州刺史賜紫

金魚袋獨孤公神道碑銘

并序

中書舍人賜紫金魚袋博陵崔祐甫

昔劉向稱賈誼言三代與秦亂之意其論甚美達於國

體雖古之伊呂

英華作管

未能遠過又稱董仲舒有王佐之

材雖伊呂無以加管晏之屬殆不及也於戲二君以偉  
才當盛漢之崇而位止於下國二千石祐甫聞於先君  
僕射曰主恩非臣下之所圖天命豈生人之所制有唐  
碩量深識之士曰獨孤常州諱及字至之河南洛陽人

皇朝左千牛備身元慶之曾孫蔡州長史思曠之孫殿  
中侍御史贈祕書監通理之第四子仕而遭時鵠立於  
朝建旟東夏三著嘉績嗚呼痛乎奄忽捐館其時也大  
歷十二年夏四月二十九日其地也常州之路寢其壽  
也五十三年中朝名公素見知者後進之士聞義嚮風  
者洎濠舒常三州之百姓莫不填英華作堪膺流皆英華有皆字非  
不寔不相浹辰彌月厚而惜之者往往失聲出涕洟若  
公有子朗郁等年未齠亂厥兄檢校水部員外郎兼侍  
御史記方佐浙河東帥聞喪來奔半旬而至惋毒之甚  
如英華作情不欲生既受吏人賓客之弔乃忍哀英華作死謀事

以六月六日引使君之柩去常州歸洛陽其年歲次丁

巳十月朔七日葬我使君於河南府壽安縣某原先祕

監之塋左

英華無左字

以夫人博陵縣君崔氏祔焉禮也水

部曰天之降割

英華作災害

於我家仲叔季盡矣吾將老矣

吾弟常州之子未立今不刻石表墓則常州之令名何

以傳於後乃託我故人敘而銘之常州稟元和以生幼

有成人之量祕監府君親授以孝經常州一覽成誦祕

監問曰汝志於何句對曰立身行道揚名於後世是志

所尚也自是徧覽五經觀其大義不爲章句學成童丁

祕監憂勺飲不入口者累日先夫人同郡長孫氏諭以

不可滅性之義由是微進饘粥杖而後起既免喪加於  
人一等鄉族稱其孝焉長孫夫人高行明識訓導甚至  
常州漸教成器卓然有立著延陵論君子謂其評議之  
精在古人右天寶末年以洞曉元經對策上第詔拜華  
陰縣尉著古函谷關仙掌二銘格高理精當代詞人無  
不畏服俄屬中原兵亂避地於越丁太夫人憂毀瘠過  
禮既外除江淮都統使戶部尚書李峘奏爲掌書記授  
左金吾衛兵曹參軍軍旅之事非其所好未幾返初服  
今上卽位下詔收俊茂舉滯淹政之大者以公爲左拾  
遺凡所諫諍直而不訐婉而不撓屬

英華無屬字

削藁訓

英華

作詭詞不傳於外遷太常博士時新平大長公主之子裴

傲尚永清公主初以太子少傅裴遵慶為婚主將行五

禮公實相焉中使口宣詔旨易之大長公主後夫姜慶

初常州曰婚姻之禮王化之階以異姓之人主之不可

甚矣某不奉詔中書令汾陽王時為五禮本誤侯据英華改使

從焉又百官薨卒定諡之際綜覈名實皆居其當與嚴

河南郢酬答呂荊州譴諡議博而正當時躋之遷尚書

吏英華作禮部員外郎受詔考第吏部選人詞翰旌別淑慝

朝野稱正上方大卹黎庶精選牧守以公為濠州刺史

平其徭賦恤其冤弱課績聞上加朝散大夫遷舒州刺

史舒英華有

境瀕江傍山羣盜所聚或蟠結林藪或趨

起城市

本誤寺据英華改

公惠以柔之武以讐之釋矛服未盡

為良俗其他如在濠之政居一年璽書勞問就加尚書

司封郎中錫以金章紫綬屬淮

英華作江

南旱歉比境之人

流傭

英華作移

甚眾公悉

英華作忠

心以撫舒獨完安天子聞而

休之擢拜常州刺史常州當全吳之中據名城沃士兵

與之後中華翦覆吳中州府此焉稱大故朝之選牧恒

屬意焉公宣中和平易之教務振人毓德之體百姓蒙

化遷善不知所以安而安之

英華無之字

吏不忍欺路不拾

遺餘糧棲畝膏露降庭

英華作之

公平生聞人之善必掄敷

之氣盡與之不啻若身得之後進有才而業未就者教  
誨誘掖之唯日不足公之文章大抵以立憲誠世褒賢  
遏惡爲用故論議最長其或列於碑頌流於詠歌峻如  
崧華盛如江河清如秋風過物邈不可逮公有集二十  
卷行於代若夫贊堯舜禹湯文武英華無文  
武二字之命爲誥  
爲典爲謨爲訓人皆許之而不吾試論道之任英華  
作位宜  
而不陟前是公之從英華作  
仲是兄季弟伯姊三年之間繼  
歿執天倫之喪如荼如蓼竟以無祿天何不仁然則賈  
與董名位不盡其材吾先君之歎主恩天命斯見矣銘  
曰

常州之英華有孝行為大葉校謂之下脫一字非也按

行字當在孝字上則與下文皆配矣下轉韻處皆七字句起此句蒸蒸翼翼以敬以愛友於兄弟如捧

如戴常州之義篤於英華有友用之有恒行之可久扶

危拯溺爾身我手常州之才施於英華有政撫柔三部

以仁為柄龔遂國僑千古迭映常州之文究其英華有

本質取其正英華有艷從其損在星之緯在衣之袞常州

之年止英華有中身去昭昭之盛世與萬鬼而為隣白

馬江上青烏洛濱鶴鶴在原嗟爾元昆縑衽英華有霑血

長號訴冤纂述遺美謂余不謖我英華有之子將二十

年相投藥石胡疾英華有不痊譬我於池子為之泉譬我

於桐子爲之絃榮不獨遂難不隻全如何淑明摧馥碎

堅廡英華作斂衣楚挽徘徊墓田望之不見赴之無緣狸首

斑如女手拳拳如天如天涕泣英華作泣漣漣一作狸首

拳如天如天如泣涕漣如

朝散大夫使持節常州諸軍事守常州刺史賜紫

金魚袋獨孤公行狀此狀原集所無梁肅

仲尼述易道於坤曰君子敬以直內義以方外詩三百

一言以蔽之曰思無邪公天生懿德外方內直氣茂才

全發爲時文得大易之中詩人之正邈乎其不可及已

七歲誦孝經先祕書異其聰敏問曰汝志如何句公曰

昆凌集附錄 五亦有生齋校本

立身行道揚名之義集作於後是所尚也後博究五經舉其

大略而不為章句學確然有可大之業知者益器之十

五祕書捐館公茹血集作銜恤在疾踰時而後杖由是鄉黨

稱孝三集作二是十餘以文章遊梁宋間通人潁川陳兼長

樂賈至渤海高適見公皆色授心服約子孫之契天寶

十三年集作載應詔至京師時元宗以道莅天下故黃老

教列於學官公以洞曉元經對策高第解褐拜華陰尉

故集有國字相房琯方貳憲部請公相見公因論三代之質

又問集作此六經之指歸王政之根源憲部大駭曰非常

之才也趙郡李華扶風蘇源明竝稱公為詞宗由是翰

林風動名振天下及函洛寇擾公違難於江南上元初

授左金吾兵曹掌都統江淮節度書記非其好也未幾

徵拜右集作左拾遺因上疏陳便宜及方鎮有冒於貨賄

舉直錯枉大者十餘事不行皆焚其藁時大盜之後百

度草創而太常典故尤所壞缺公為博士祇考古道酌

沿革之中凡有集作無損益莫不悉悉集作字居其當新

平公主之子裴倣尚永清公主初公實相禮初以裴僕射

遵慶主婚中詔長主後夫姜慶代焉公奏曰婚姻人道

之大使異姓主之非禮也且無以示天下臣不敢奉詔

上從之又議定諡法公為為當諡者蓋跡其事業邪正

而褒貶之舉一字可使賢不肖皆勸故其議呂禋盧奕  
郭知運等謚皆參用典禮約夫子之旨其事覈其文高  
學者傳示以爲式時有上議謂景皇帝未升尊位不宜  
爲太祖詔下百寮公按禮經以爲王者禘其祖之所自  
出而以其祖配之故三代皆以受命始封君配昊天上帝  
唯漢氏崛起豐沛豐公太公皆無位無功德不可爲  
祖宗故以高帝爲太祖若景帝肇啓王業建封於唐高  
祖原誤宗因之遂以爲原脫此字有天下之號天所命  
也宜百代不遷因具故事條奏從之於是郊廟之禮遂  
定踰月拜公尚書禮部員外郎遷吏部每歲以書判試

多士而朝列有以文學稱者必參校辨論定其甲乙丙  
科至是公分其任求爲郡守以行其道除濠州刺史公  
下車以淮士輕剽承兵革之後率多不法長吏不能制  
遂先董之以威格之以政然後用愷弟寬厚漸漬其俗  
三年而闔境大穰優詔褒美移拜舒州刺史又以行間  
璽書就加朝散大夫檢校司封郎中賜金印紫綬其明  
年吳楚大旱餓夫聚於萑蒲者十七八唯舒安阜近者  
悅遠者來犬豕之境草竊不入上聞之詔曰斷獄歲減  
流庸日歸以人俗之豐給當淮湖之災旱爾守之力也  
擢拜常州刺史本州都團練使常州爲江左大郡兵食

之所資財賦之所出公家之所給歲以萬計公削其煩  
苛均其衆寡物有制事有倫刑罰罕用頗類自息公又  
謂安人之道清而靜之則定爲而察之則擾故寬以居  
之仁以行之一變而百姓不知其理又一變知其理而  
不知理之所由比及三年吏不忍欺路不舉遺年穀屢  
熟一作成一作災害不作甲辰歲冬十月二十日甘露降於庭  
樹二十七夕乃止嗚呼公庇斯一作人人方仰公彼天  
不惠降此大厲爲郡之四載大歷十二年四月壬寅晦  
暴疾薨於位行路慟哭罷市者相弔踰月又吁嗟之聲  
相聞自寮屬相吏下逮鄉老里尹皆率以備齋祭及葬

之日總衰送喪者數千人唯公體黃老之清淨苞大雅

之明哲尊賢容衆而交不諂瀆本仁祖義而文以禮樂

乃至集作至乃溫良能斷應用不滯達識足以表微厚德足

以載物善而不伐光而不耀內不機巧外無緇磷隕然

中立豁若虛受其長人也先教愛而後法禁不遷怒以

臨下集作拘故威而不猛不私己以欺人故易而無備其

茂學博文不讀非聖之書非法之言不出諸口非設教

垂訓集作法之事不行於文字而達言發辭若山嶽之峻

極江海之波瀾故天下謂之文伯有集二十卷行於代

若藝文之士遭公發揚集作揮盛名比肩於朝廷則有故

中書舍人吳郡朱巨川中書舍人渤海高參今尙書左  
丞天水趙璟職方員外郎知制誥博陵崔元翰考功員  
外郎潁川陳京禮部員外郎北海唐次蘇州刺史高陽  
齊抗其章章者也其睦親與善自內姻及朋友所知之  
家振窮分災恤孤哀喪頒祿歸贈必加於常人一等故  
啟手足之日室無餘財惟四布集作待賜布然後乃斂議者  
於是謂公有文子之清子產之仁史魚之直平仲之與  
人賈生之行義集作文學文翁之政事叔子之遺愛而不躋  
巖廊不享期頤闕致君論道之美以遺史冊故凡百以  
爲痛在昔孔文子以敏而好學爲文公叔發集有廩字恐非以

恤衛國凶飢爲惠矧公功存於人言垂於代有文有質  
不忝前烈者與易名之禮請從令

集作舊

典謹狀

尙書考功伏以褒德尙賢設教之崇軌加謚易名飾終  
之令典謹按故朝散大夫使持節常州諸軍事守常州  
刺史賜紫金魚袋獨孤某蘊黃裳之服協中庸之德正  
詞復禮施化爲邦清風存乎省寺遺愛結於黎庶具美  
之道何以尙茲竈窆旣安音徽日遠請追公叔之謚式  
播臧孫之列謹上

唐故常州刺史獨孤及謚議

權德輿

將仕郎守太常博士權德輿議曰獨孤及剛方直清根

於性術其修身莅官確乎處中立言遣辭有古風格辯  
論裁正昭德塞違濬波瀾而去流蕩得菁華而無枝葉  
其握衣入室之徒皆足以掌贊書而秉方冊則及之爲  
文可徵矣其爲博士時有上議景皇帝不宜爲太祖者  
詔下庶官及舉夏殷周漢之故事尊祖配天之大旨以  
爲景皇帝始封於唐天所命也於是定議爲一代典法  
新平長公主之子裴倣尙永清公主欲以他宗主婚及  
相禮上陳不可竟得以裴僕射遵慶爲主當時稱之定  
呂譔盧奕郭知運之諡用禮文憲度得褒貶之正凡所  
往復詞旨堅明其理舒州屬歲饑旱鄰郡庸亡什四已

上而舒人生聚悅安不知凶年優詔褒異就賜金紫其  
初在濠其後在常皆因俗爲理人用愛戴雖不得居公  
卿長帥之任然其奉常議論三郡績用亦足以列於文  
苑附於循吏按謚法曰博文多能曰憲獻一本作薦可替否  
曰憲及酌三王四代之典訓作爲文章以輔教化是爲  
博聞位參中外必以稱職聞是爲多能定宗廟之饗爲  
獻一本作薦可正婚姻之主爲替否有司稽美行而易其名  
者請謚及曰憲謹謚

祭獨孤常州文

崔祐甫

維大歷十二年歲次月日外從祖舅朝散大夫權知中

書舍人賜紫金魚袋崔祐甫遣表妣前鄧州南陽縣尉  
李綜以清酌之奠祭於從外孫甥常州獨孤使君至之  
之靈往矣至之此時何時空原拱木荆榛狐狸林風月  
露以之增悲子之往也高格遠量秀氣茂姿亡兮何若  
有兮誰對豈流蘇寓馬從之已而嗚呼哀哉王事適我  
政事一埤益我在籠而不能求其釋獨有懷君之淚臨  
秋風而自滴平生相期聊復一敘一以豁胸中之憤氣  
二以簡明靈而晤語吾與至之思宏道義自家刑國張  
維舉墜吾與至之思敦交好平居琢磨遇死赴蹈吾與  
至之思邁純德言爲士準動有時則吾與至之思全高

節風雨如晦嘒嘒不輟吾與至之思闡斯文不俾臯契  
獨暮華勛吾與至之談空覈元夢蝶喻筏去之蕭然吾  
與至之期諸晚歲偃臥山樊同披薜荔舉其大較良難  
名數念我交情千枝萬縷霜風掃葉或散或聚萬化紛  
然同歸野土向之所務孰云其主嗚呼哀哉爛然澄醅  
平昔共歡如何此奠取象於觀我思此飭子必吾劇目  
想道周暫畱徒御所可懷者徐生之絮

新唐書本傳

獨孤及字至之河南洛陽人爲兒時讀孝經父試之曰  
兒志何語對曰立身行道揚名於後世宗黨奇之天寶

末以道舉高第補華陰尉辟江淮都統李峘府掌書記  
代宗以左拾遺召既至上疏陳政曰陛下屢發德音使  
左右侍臣得直言極諫壬辰詔書召裴冕等十有三人  
集賢殿待制以備詢問此五帝盛德也然頃者陛下雖  
容其直而不錄其言所上封皆寢不報有容下之名無  
聽諫之實遂使諫者稍稍自鉗口飽食相招爲祿仕此  
忠鯁之臣所以竊歎而臣亦恥之十室之邑必有忠信  
況朝廷之大卿大夫之衆陛下選授之精歟假令不能  
如文王之多士其中豈不有溫故知新可懋陳政要而  
億則屢中者陛下議政之際曾不採其一說堯之疇咨

禹之昌言豈若是邪昔堯設謗木於五達之衢孔子曰  
以能問於不能以多問於寡然則多聞闕疑不恥下問  
聖人之心也願陛下以堯孔心爲心日降清問其不可  
者罷之可者議於朝與執事者共之使知之必言言之  
必行行之必公則君臣無私論朝廷無私政陛下以此  
辨可否於獻替而建太平之階可也師興不息十年矣  
人之生產空於杼軸擁兵者第館互街陌奴婢厭酒肉  
而貧人羸餓就役剝膚及髓長安城中白晝椎剽吏不  
敢詰官亂職廢將墮卒暴百揆隳刺如沸粥紛麻民不  
敢訴於有司有司不敢聞陛下茹毒飲痛窮而無告今

其心顛顛獨恃於麥麥不登則易子齧骨矣陛下不以  
此時厲精更始思所以救之之術忍令宗廟有累卵之  
危萬姓悼心失圖臣實懼焉去年十一月丁巳夜星隕  
如雨昨清明降霜三月苦熱錯繆顛倒沴莫大焉此下  
陵上替怨譴之氣取之也天意丁寧譴戒以警陛下宜  
反躬罪己旁求賢良者而師友之黜貪佞不肖者下哀  
痛之詔去天下疾苦廢無用之官罷不急之費禁止暴  
兵節用愛人兢兢乾乾以徼福於上下必能使天感神  
應反妖災爲和氣矣又言減江淮山南諸道兵以贍國  
用陛下初不以臣言爲愚然許卽施行及今未有沛然

之詔臣竊遲之今天下唯朔方隴西有吐蕃僕固之虞  
邠涇鳳翔兵足以當之矣自此而往東泊海南至番禺  
西盡巴蜀無鼠竊之盜而兵不爲解傾天下之貨竭天  
下之穀以給不用之軍爲無端之費臣不知其故假令  
居安思危以備不虞自可阨害之地俾置屯禦悉休其  
餘以糧儲屏屨之資充疲人貢賦歲可以減國租半陛  
下豈遲疑於改作逡巡於舊貫使大議有所壅而率土  
之患日甚一日是益其弊而厚其疾也夫療靡者必決  
之使潰今兵之爲患猶靡也不以漸戢之其害滋大大  
而圖之必力倍而功寡豈易不俟終日之義邪俄改太

常博士或言景皇帝不宜爲太祖及據禮條上諡呂禋  
盧奕郭知運等無浮美無隱惡得褒貶之正遷禮部員  
外郎歷豪舒二州刺史歲饑旱鄰郡庸亡什四以上舒  
人獨安以治課加檢校司封郎中賜金紫徙常州甘露  
降其廷卒年五十三諡曰憲及喜鑒拔後進如梁肅高  
參崔元翰陳京唐次齊抗皆師事之性孝友其爲文彰  
明善惡長於論議晚嗜琴有眼疾不冑治欲聽之專也  
子朗郁

毘陵集附錄終

毘陵集補遺

漢光武渡滹沱冰合賦

以上天無親惟德是輔爲韻

昔漢光武收河北之年馳馬將進滹沱在前爲敵所迫  
當冰不堅及軍裝隱鱗以登岸殺氣崢嶸而塞川意者  
欲定神器於茲日彰聖人之動天若非使不道者喪有  
德者王則水不能以造次而結冰不能以斯須而壯變  
浩浩之流爲峩峩之狀擁高旌以進雷長轂以上及企  
路以全軍又迎風而破浪於時進隔關於長津顧邀遮  
其後塵患勢莫之敵沒不可振求一徑而莫遂惟羣臣  
之不親賴王霸至誠之力協光武至聖之德人從悅已

之詐天贊勤王之直故得舟楫不設衣裳不濡避地以  
 往乘冰以趨一水之上兩軍相殊使後人視水則有求  
 冰則無望飛塵而惆悵對寒流而踟躕由是知天人之  
 合發與神祇而相符不然則何以延十二之祚總四七  
 之輔滅新室流毒之日作漢氏中興之主受命之瑞也  
 亦何異元女降於軒轅白魚躍於周武燕趙之間清流  
 瀾瀾高風以遠遺躅於是懷玉案此賦當是試作英華  
 文粹皆不載惟見於歷代賦

彙卷五十三禎祥不知何自采入所限  
 八韻失押惟字可見唐時賦律之寬也

賀赦表

集無見文苑英華五百五十八卷

臣某言中使某至宣示赦書大赦天下者臣伏以作解

宥過前王之茂典嚴配享神聖朝之縟禮非大孝無以  
肅祇宗廟非洪勳不得告承天下伏惟皇帝陛下誕敷  
文德昭烈武功鋪於八埏橫被四海拯兆人之苦恢  
累聖之洪業伐叛問罪電發王師爲人除災爲時誅惡  
陛下恬神凝累儲道蘊德以義制事以欲從人雷霆之  
震也心不恕於兇戾元惡之戮也勳不書於簡策淡泊  
功德陰隲萬邦大哉聖王之爲君也無德而稱矣頃者  
賊臣伺梟獍之變翠華巡遊四方愁冤百神震駭誅剪  
大憝清復闕庭事不稽於浹旬慶已延於萬億接踵之  
禍又起近郊犬羊猖獗相繼夷滅然後舉墜典修禮文

銚革繁苛搜揚嘉遯自上古之所不臣前聖之所未賓

梯航而來悅

當作悅

我聲教掃除氛沴日月載貞大安反

側上下交泰而又發德音降明詔歸過罪已降去鴻名  
含生動植許遂其性草木知感況在人倫今以履端之  
初先陳盛禮豐潔簡易應時順人展敬於郊壇薦誠於  
清廟丕昭列聖咸秩神祇抑臣聞之仲尼曰明乎郊社  
之禮禘嘗之義是陛下德合祖宗道符三五慶於祉福  
與天無疆鴻私湛恩溥施萬國洗蕩痕垢咸使維新牢  
獄空虛囚拘蕩滌禎祥鬱於川瀆嘉氣塞於乾坤天下  
臣妾不勝慶幸

同前 集無見文苑英華五百五十八卷

臣某言伏奉今月某日制大赦天下恭承恩詔宣布藩  
隅負瑕累者咸荷生成被傷痍者如蒙覆育 中賀 臣聞

春以首時蓋本於陽德澤以周物取象於鴻私伏惟皇  
帝陛下出震繼明體元立極作解施會順時致和問安  
禮備於三朝班朔恩加於九有猶念刑不可變死不復  
生泣辜興慈納隍軫慮與民更始其命惟新禦魑魅者  
復還係桎梏者咸宥丹檄 疑當 無滯黃沙已空疎漢網  
而遠無不賓祝湯羅而下無犯順雖水旱繫於常數每  
惻憂勤以征賦本於黎人載加蠲貸應天以實推己以

誠疇庸懋能自家刑國或圖舊以延賞或錫類以崇先

日月徧燭於幽明雨露不私於中外舊章備舉墜典咸

秩崇儒術所以宏教化旌孝義所以厚時風憫耆耄而

廩賜有差廢橫斂而凶荒是禦皆歷代哲王之茂典今

陛下脩一作忽而行之洋洋聖謨曠所聞見雖虞帝之孝

殷后之仁垂拱而人無間然韃橐而兵不復用方於今

日未足比崇臣幸屬昌期謬領藩服官惟責實未効涓

埃之勞賞及無功亦洽一作沾渙汗之寵拜恩竊抃萬倍

恒情餘姚盧學士文昭云此篇不似獨孤公手筆

代獨孤將軍讓魏州刺史表集無見文苑英華五百七十六卷

臣莊言伏奉今月十九日制書以臣爲中大夫持節魏  
州諸軍事守魏州刺史寵命光臨心靈震奪

中謝

臣才

質污濫學藝空疎往緣乏人謬參多士膏雨降而鮮鱗  
躍和風流而短翮飛遂以庸微累升清貫天臺望重始  
預廊官帝贊務殷仍霑縣宰翊州司而罕效撫邊鎮而  
何功睿澤旁滋皇明遠照曲顧先臣之舊不忘支屬之  
姻遷臣以大樹之榮總臣以儀本之任旣而力微招責  
祿厚延疴深慮卽填溝壑不得重趨階陛伏屬天地仁  
慈聽臣入都醫療承恩之日頓當作減焦勞在路已來  
小將瘳健若何以仰祇嘉惠俯策疲駑當河北之奧藩

忝山東之厚寄魏郡太守豈岑熙之可攀冀州刺史寧  
籍章之敢列伏乞迴光斂露寢汗停綸矜臣竊位之誠  
遂臣量能之請庶知人之鑒影響不差循吏之聲期年  
而至無任忝冒屏營之至  
表陳讓以聞其  
所讓人別狀封進

為崔使君讓潤州表

集無見文苑英華五百七十六卷

臣某言伏奉今日日制書以臣為使持節潤州諸軍事  
潤州刺史散官如故前命甫流後恩遄集進退惟谷憂  
喜聚門臣某中謝臣材質孤陋藝能鄙薄徒以頗承舊  
業遂得歷踐清資國庠司級一作既非所據六衛陪軒

又無足採久欲避賢公府移疾家園不悟沖眷曲臨殊  
私屬委瓠溝東望始拜寵於韓臺竹里南浮遽遷榮於  
楚澤何以仰承皇寄俯緝毗謠伏乞日月迴光雲雨流  
霈深惟鑒察改任良能則朝有至公臣知免戾無任屏  
營之至

代于京兆請停官侍親表

代宗集無見文苑英華五百八十卷

臣某言臣聞審官而用者君上之明也量力而動者人  
臣之義也然則審官先於責實量力在於知止苟違斯  
道是必終凶臣以薄劣素空行藝遭逢際會累忝驅馳  
自受京尹向逾周月上無報國安民之效下乏推賢審

已類表作

進善之能官詢日深內省知愧伏以去年冬末迄

於今日竊聽閭閻頗有流散在於京輦亦多攘奪臣兄  
枉橫爲賊所傷哀苦之中忍恥尤甚雖久令分捕而竟  
未就擒臣之無能於茲可驗偷安重任夫亦胡顏況臣  
同氣數人相次淪沒閨門之內哭不絕聲應由臣無德  
而祿召此殃釁與言感慕痛骨摧心又臣老母素多羸  
瘵近從數載頗益沈綿臣妻先亡無人侍側飲膳衣服  
臣悉躬親頃任京兆少尹中間又司帑藏雖稱要劇亦  
有餘閒臣每退朝便道整親方藥自公言歸早見安否  
老母以數在左右都忘呻吟及臣典領大府事繁務切

雞鳴而出暮夜方歸清晝之時莫見親面凡所服餌或

非調適心有未快

類表作愜

疾亦轉侵在臣焦灼

類表作惶

啓處

無地專力養則有妨吏職徇公事則闕奉慈顏忠孝兩

虧紀綱將廢以天倫哀緒未平之日憂老母方寸已亂

之時雖欲自強必不勝任倘漸荒府政小紊朝經

類表作章

他日噬臍固將何及或當重責已負前恩是敢泣血祈

天瀝肝請命乞特免臣所職就養私門非惟有光孝理

實亦少裨元化龜蛇賤類上報何階烏鳥微情反哺斯

足無任懇願迫切之至謹詣右銀臺門奉表陳乞以聞

誠惶誠恐頓首頓首

謝勅書兼賜冬衣表

集無見文苑英華五百九十  
三卷

臣某言伏奉某月日勅書慰問將士等跪承寵錫仰荷  
 天慈忭躍周章不知所措臣某 中謝 陛下體仁恤遠崇  
 德念功恩浹勳賢禮優方國臣行能無取志畧非長徒  
 以嘗謬台司遂叨藩守誠寬覆餗之罪更切致寇之憂  
 豈謂宸睠不遺天波薦及獎飾加於尸素恩意逮於庸  
 微嶺嶂萬里迴日月之私照偏裨一介沐乾坤之厚施  
 緇黃載躍班白相歡騰喜氣於城壘舞祥風於旌旆臣  
 曠官已久無補休明戀闕慈 當作滋 深又移寒燠累忝逾  
 涯之賜敢安非據之榮丘山至重灰壤寧報無任感恩

戀主屏營之至

爲郭令公請停親征表

代宗集無見文苑英華  
六百十五卷

臣某言經略副使太子右

有本誤

諭德傅濤至伏承鑾駕

欲有親征恭聞聖旨載惶載懼臣以薄劣謬總元戎受命於朝成師以出雖志期靜難而力未摧兇邦甸多虞有貽聖慮遂使六軍雷動七萃天行臣實無能萬死餘責然臣面辭之日已具奏聞假令寇賊猖獗猶願陛下務於持重內安宗廟外固人心臣之素懷正在於此縱微臣智力淺短終無所成陛下仍須別擇英才授之師律豈有事非至切便欲親戎誠恐上國衣冠自生震恐

遠方士庶更有驚疑以臣觀之竊謂非便兇虜傷沮其

勢式遏

集作其運已窮

天威赫赫所向皆靡陛下責成之日愚

臣死難之秋伏望付臣以專征委臣以集事回鑾上國

端拱中朝豈惟微臣受賜抑亦萬方幸甚謹奉表以聞

鹿泉本願寺銅鐘銘

本缺從文粹卷六十七補

八音之列數者金為長金聲之動物者鐘為大相彼創

制本乎無心隨輕重之所考遇洪纖而必應其體妙乎

其幾神乎故帝庭用之以和樂梵宇作之而助道其有

旨哉伊本願道場昔鬼土所卜即輪王建塔之地有隋

氏因而緝焉皇唐統天增壯厥構雖臺殿有赫而鐘簴

深

未雄曰都維那某等顯允令德鬱爲紀綱洞三學之奧  
府張二嚴之臣翼以爲是聲聞則有以敷衆美不則無  
以遍十方乃同寅叶恭唱議改作我心匪石彼應如雲  
緇流輔仁而或勤或懋清信委施而爲岡爲陵於是乎  
遠貿精金博名良冶息氏宰陶人翼鎔範修林樸植火  
正叱咤以啓號風師闖怒而陳力巨扇咆哮洪鑪赫曦  
焮奪清夜光連紫微芴通寶以決注下潛成於數圍察  
夫陰未凝陽爲烈爍爆泉沸氣憤雲洩旣旬而後實旣  
堅而後發轉於隧漸於堂混乎其輪圓洞然而博暢仙  
獸勒於下驪龍踏於上蓄精誠含寥亮乃神工之旣濟

而寶器之大壯也且夫作有度而體有經侈奄均厚薄  
中則不播不石不鬱不杳雖鴻音未揚識者已知其妙  
矣故緇衆咸躍善願克克而縣之衣冠里之髦彥聚捨  
珍玩翕營層臺峻嶒百常沆瀣一色然後插雲柱倚天  
梯駢輓轡縮修索攢勳力以下拔軋豐容而上昇雄以  
筍鱗顛以交扛猛以篋權作以離立大器斯屬洪樞乃  
鏗威音潼浴而一吼號響岌業乎三界上極有頂下彌  
空輪飛行天仙海陸神識莫不警革塵滯塞開冥蒙滌  
曠劫之瑕滅長夜之苦使浩福潛潤冥機坐融其諸佛  
神通之用乎不然者千鈞之聲一杵之播則曷以臻於

是矣允釐僧務本三勢而克終式遏劍輪後四爰而長  
擊故初起細而促漸登錙以舒旣銳而入微又增而復  
壯於是壯也乃而畢爲八字有誤若是者何皆皇覺啓導抑  
揚之深思也實欲普其念周乎仁張皇慈音引曳悲韻  
使萬物咸若六時登聞不惕不惶以安以樂或謂霆鬪  
雷裂山傾河洩靈祇殲走猛毅僵靡皆恐怖殺傷之事  
我大雄氏慈制又悲乎然哉若乃顛顛聖賢翼翼龍象  
以之懺薩以之引宣微妙其心精進厥德有秩有序不  
差不忒住持我象教洋溢我元風洞達我幽明清寧我  
邦國神之不可以已其在茲乎皇唐十有八年春仲月

八日是鐘也既成卽其秋孟月上弦茲臺也復構他方  
聖衆咸飛來而讚揚地中菩薩咸踊出而瞻仰於是陳  
巨會以落之張梵樂以考之煌煌乎休哉越寶庭之能  
事畢矣而宏範莫紀又八稔於斯河南史凜然文林之  
秀也尉於右邑攝茲銅章惠化一清於灌壇希聲重美  
於洪器命我昭述式副羣心之望焉而主簿宏農楊量  
新尉楊光朝等竝高幹才敏力懋於道勉奉天秩允恭  
仁祠輔營樂石贊就厥美雖默者果得不言乎銘曰靈  
鐘上空儀法天體道內虛含至圓雄威蓄毓時乃宣震  
擊鏗鏗流大千十萬調御及聖賢應我真聲開梵筵一

切苦輪悲熾然聞我真聲咸息肩虛空有盡福無邊神  
用莫大莫與先

招北客文

本缺從文粹卷三十三補

蜀之先曰蠶叢兮縱其日以稱王當周室凌頽兮亂無  
紀綱泊乎杜宇從天而降鼈靈泝江而上相禪而帝據  
有南國之九世蜀本南夷人也皆左其衽而椎其髻及  
通乎秦也始於惠王之代五牛琢而秦女至一蛇死而  
力士斃二江雙注羣山四蔽其地卑濕其風脞脆蠻貊  
雜處滇楚爲鄰地偏而兩儀不正寒薄而四氣不均花  
葉再榮秋冬如春暮夜多雨朝旦多雲陽景罕開陰氣

恆昏以暑以濕爲瘵爲癘氣滯蟄以中人吾知重隄之  
疾兮將嬰爾身蜀之不可往北客歸去來兮

其東則有大江澗澗下絕地垠百谷相吞出於荆門突  
怒吼劃附於太白渤溈礪碎會於滄溟跳噴浩淼上濺  
飛鳥蹙縮盤渦下旋鼉鼉三峽兩壁亂峰如戟岷岷屹  
崒瀕洞劃坼高於天電雲外水積晝日無光其下黑窄  
瞿塘無底淺處萬尺啼猿哀哀腸斷過客復有千歲老  
蛟能變其身好飲人血化爲婦人衒服靚裝遊於水濱  
五月之閒白帝之下洪濤塞峽不見灑瀕翻天蹙地霆  
吼雷怒亦有行舟突然而去人未及顧棹未及舉瞥見

陽臺不辨雲雨十里一歇日未移午須臾黑風暴起拔  
樹震山石走沙飛波騰浪翻舟子失據摧檣折竿漩入  
九泉沒而不還支體糜散蕩入石閒水族呀呀拔刺爭  
餐蜀之東不可往北客歸去來兮

其西則有高山萬重峻極屬天西有崑崙其峰相連日  
月巡環闔於山巔巒崖盤嶽天壁負絕陽和不入陰氣  
固閉千年增冰萬古積雪谿寒地坼谷凍石裂夏月草  
枯冬天水折蒼煙凝兮黑霧結人墮指兮馬傷骨江水  
噴激迴盤紆縈棧壁緣雲鉤連相撐繩梁嶮虛傍杳杳  
冥下不見底空聞波聲過者矍然亡魂喪精復引一索

其名爲竿人懸半空度彼絕壑或如鳥兮或如獾倏往  
還來幸不落或有豪猪千羣努鬣射人寒熊孔碩登樹  
自擲見人則擘巨麋如牛修角如劍餓虎爭肉吼怒闕  
闕復有高崖墜石兮聲若雷之輶轟上敲下嗑似火迸  
兮滿山流星礮溪忽兮倒流林崖爲之頽傾碎騰狖與  
過鳥駭木魅兮山精飛石壓人兮不可行西有犬戎與  
此山通形貌類人言語不同瓊廬隆穹毳裘蒙茸啜酪  
啖肉持鎗挾弓依草及泉務戰與功其聲如犬其聚如  
蜂中國之人兮或流落於其中豈只掘鼠茹雪以取活  
終當鉞其足而纍其胸泣漢月於西海思故鄉於北風

蜀之西不可往北客歸去來兮

其南則有邛笮之關天涉險艱少有平地連延長山橫  
亘廬江隔閩百蠻吁彼漢原上當漏天靡日不雨四時  
霧然其人如魚爰處其泉終年霖霖時復日出狎狎諸  
犬向天吠日人皆濕寢偏死腰疾復有陽山之路毒瘴  
下凝白日無光其氣菅菅暑雨下濕黃茅上蒸南方之  
人兮不敢過豈止走獸踣兮飛鳥墮吾不知造化兮何  
知此方些蜀之南不可以往北客歸去來兮

其北則有劍山巉巉天鑿之門二壁豁豁高岍嶙峋上  
拄南斗傍鎮於坤下有長道北達於秦秦地神州中有

聖人左右伊臯能致我君雙闕峩峩上覆慶雲千官鏘  
鏘朝於紫宸玉樓鳳凰金殿麒麟布德垂澤搜賢修文  
皇化欣欣煦然而春蜀之北不可以往北客歸去來兮

毘陵集補遺終

開化圖書  
Kathua Lib

開化圖書館

Kaichua library

印

開化圖書館

Kaichua library

趙

開化圖書館

Kaishua library


開化圖書館

Wakuhwa Library



毘陵集  
四

開元圖書館  
Kashima Library



開化圖書

Kaishua Library



Inches 1 2 3 4 5 6 7

Centimetres 1 2 3 4 5 6 7 8 9 10 11 12 13 14 15 16 17

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color